

Broj: 10-02-8-10095/19
Sarajevo, 17.12.2019. godine

OBVEZNICIMA USPOSTAVE INTERNE REVIZIJE U JAVNOM SEKTORU U FEDERACIJI BOSNE I HERCEGOVINE

PREDMET : Godišnji izvještaj interne revizije za 2019. godinu, traži se -

U skladu sa članom 18. Zakona o internoj reviziji u javnom sektoru u Federaciji Bosne i Hercegovine („Službene novine Federacije BiH“ br. 47/08 i 101/16, u daljem tekstu: Zakon o internoj reviziji), rukovodilac jedinice za internu reviziju (odnosno interni revizor, ukoliko rukovodilac nije imenovan ili jedinica još nije uspostavljena) obavezan je izraditi godišnji izvještaj interne revizije koji sadrži podatke iz revizorskih izvještaja i informacije o ostalim aktivnostima koje su završene ili su u toku na dan 31. decembra prethodne godine i isti dostaviti u roku od 60 dana po završetku godine rukovodiocu organizacije i Centralnoj harmonizacijskoj jedinici Federalnog ministarstva finansija/finansija (u daljem tekstu: CHJ FMF).

Godišnji izvještaj interne revizije obavezno sadrži informacije o realizovanim aktivnostima interne revizije predviđene godišnjim planom interne revizije, pregled osnovnih zaključaka iz svih internih revizija izvršenih u toku godine, opće ocjene sistema finansijskog upravljanja i kontrole, kao i analize svih slučajeva koji su uključivali kršenje propisa, te slučajeve koji su u toku izvještajne godine prosljeđeni nadležnom tužilaštvu.

Na osnovu dostavljenih godišnjih izvještaja, a u skladu sa članom 7. Zakona o internoj reviziji, CHJ FMF je obavezna izraditi Godišnji konsolidirani izvještaj interne revizije i dostaviti ga federalnoj ministrici finansija-financija do 30. aprila/travnja tekuće godine za prethodnu godinu, koja izvještaj dostavlja Vladi Federacije Bosne i Hercegovine na razmatranje i usvajanje.

Godišnji izvještaj o radu interne revizije potrebno je, u skladu sa Metodologijom rada interne revizije u javnom sektoru u Federaciji Bosne i Hercegovine („Službene novine Federacije BiH“ br. 13/12, 93/13 i 93/15), popuniti na propisanom obrascu, koji se može preuzeti u elektronskoj formi na web stranici Federalnog ministarstva finansija-financija www.fmf.gov.ba (Obrazac GI-IR).

Popunjeni i potpisani obrazac GI-IR za 2019. godinu obveznici trebaju dostaviti **najkasnije do 29.02.2020. godine** poštom na adresu: Federalno ministarstvo finansija-financija, Centralna harmonizacijska jedinica, ul. Mehmeda Spahe broj 5, 71 000 Sarajevo, kao i na e-mail: fatima.obhodjas@fmf.gov.ba.



Dostavljeno:

- Naslovu
- a/a